

VI.

HIERONYMVS PRAETORIVS.

M. HIERONYMVS PRAETORIVS Patrem habuit *ὁμώνυμον*, Hieronymum Praetorium, Hamburgi in Aede Petrina Musicum Organicum percelebrem, matrem Elisabetham, natalibus Stokmanniam, hancque ingressus est vitam d. 25. Nou. A. 1595. Eruditus primùm in Schola patria, post ab A. 1609. in Hannouerana, & ab A. 1611. redux in patriam factus, in Gymnasio Hamburgensi publico, in quo & aliquoties e Philosophia publice differuit, A. 1615. VVittebergam ablegabatur, ubi, D. Friderici Balduini Convictor quotidianus, tamen e Philosophia, quam e Theologia, sub praesidio dicti Balduini & Meisneri disputavit frequenter, Annoque 1618. Magister renunciari meruit, inter 34. Candidatos locum nactus praecipuum. A. 1620. VVitteberga Ienam concessit, factusque heic Viri summi, D. Io. Gerhardi, *Σύωντος*, aequè assiduus & diligens cum fuisset, & Disputationibus imprimis, publice & priuatim crebro institutis, rationem studiorum & constantiam probasset omnibus, Facultatis Philosophicae Adiunctus declaratus primùm est, post A. 1626. Professor Philosophiae Practicae, & A. 1631. simul Physicae. A. 1633. a Duce Saxoniae, BERNHARDO MAGNO, Herbipolim vocatus est Superintendens & Theologiae Professor Lutheranus, ordinatus Vinariae d. 26. Dec. A. e., qua in prouincia a Papaeis infestissimis multa sufferre habuit